



UGOVOR

o nabavci avionskih karata u 2019. godini

KJKP Sarajevogas d.o.o., Sarajevo, Ul.Trg Fadile Odžaković Žute br. 4, Sarajevo, BiH,
Koga zastupa: Direktor Preduzeća Mr.sc. Nihada Glamoč, dipl.ing.maš., (u daljem tekstu: **Naručilac**)
i

«Centrotrans Eurolines d.d.», Ul. Kurta Schorka 14, 71000 Sarajevo, BiH
Koga zastupa: Direktor mr.sci. Safudin Čengiđ, (u daljem tekstu: **Pružalac**)

Član 1.

Predmet ovog ugovora je pružanje agencijske usluge za nabavku avionskih karata u 2019. godini po provedenom konkurentskom zahtjevu za dostavljanje ponuda broj: KN-05-03/19. Prodavac je dostavio ponudu prema specifikaciji Kupca broj SP-OJ04-KN-05-03/19-01, koja je priložena ovom ugovoru i predstavlja njegov sastavni dio.

Član 2.

- (1) Procijenjena vrijednost ovog ugovora za nabavku avionskih karata na period od jedne (1) godine, iznosi 15.000,00KM bez PDV-a, slovima (petnaesthiljadaKM).
- (2) Jedinična cijena nabavke agencijske usluge za prodaju avio karata, a koja je u skladu sa navedenom ponudom, iznosi 1,00 KM (slovima: jednaKM, bez PDV-a, i ista je nepromjenjiva.
- (3) Ukupna cijena nabavke avionskih karata, sa uključenom agencijskom uslugom iznosi **14.415,00 KM (slovima: četrnaesthiljadačetiristotinepetnaestKM), bez PDV-a.**
- (4) **Naručilac usluga zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.**

Član 3.

- (1) Pružalac usluge je obavezan odabranu avio-kartu dostaviti putem emaila u obliku elektronske karte („electronic ticket“) direktno iz rezervacionog sistema prihvaćenim od strane IATA, a po potrebi i na adresu **Naručioca**, bez naknade za dostavu, u okviru radnog vremena **Naručioca** usluga.
- (2) Pružalac će za izdatu avionsku kartu ispostaviti fakturu u KM (konvertibilnim markama) u roku od 7 (sedam) dana od dana realizacije narudžbe. Faktura obavezno mora sadržavati: 1. neto cijenu avionske karte, 2. agencijsku naknadu za uslugu rezervacije i obezbjeđivanja avionske karte, 3. aerodromske takse, 4. druge uobičajene troškove ukoliko postoje.
- (3) **Naručilac usluge će vršiti kontrolu ponuđenih cijena avio-karata od strane Pružaoca usluga za svaku konkretnu narudžbu putem amadeus sistema ili drugog alternativnog softvera tokom trajanja ugovora.**
- (4) U slučaju značajnijeg odstupanja ponuđene cijene avio karte za konkretno putovanje date od strane **Pružaoa** usluge u odnosu na cijenu iskazanu u Amadeus sistemu **Naručilac** usluga će zahtijevati pojašnjenje **Pružaoa** usluge, odnosno eventualnu korekciju ponuđene cijene avio-karte.

Član 4.

Uz fakturu **Pružalac** usluge će dostaviti odabranu opciju plana putovanja za traženu avionsku kartu i potvrdu rezervacije.

Član 5.

Naručilac će plaćanje izvršiti u roku od 60 dana, od dana prijema poreski ispravne fakture sa pratećom dokumentacijom za pružene usluge na transakcijski račun pružaoca usluga broj: 3383202251241969, otvoren kod „UniCredit Banke,, u Sarajevu.

Član 6.

(1) **Pružalac** se obavezuje da će sukcesivno u toku trajanja ovog ugovora, na osnovu pojedinačnih narudžbi **Naručioca** vršiti kvantitativnu i kvalitativnu isporuku usluga u sjedištu **Naručioca**, u roku od 48 sati od pismene narudžbe, na način i u skladu sa rokovima iz ponude.



(2) Pružalac usluga je dužan da osigura fleksibilno radno vrijeme i mogućnost kontakta u toku 24 sata i da Naručioca usluga svrsta u prioritete prilikom pružanja usluga iz člana 1. ovog ugovora.

(3) Pružalac usluga se obavezuje da osigura alternativne rute u okviru opisa putovanja, te je dužan da Naručiocu usluga ukaže za sve moguće posljedice u slučaju otkazivanja, propuštanja kao i izmjene leta. U slučaju da Naručilac usluga otkáže putovanje 24 sata prije vremena leta, Pružalac usluga neće zaračunavati nikakve troškove Naručiocu usluga vezano za pravovremeno otkazan let.

Član 7.

Pružalac je dužan da Naručiocu ukaže na sve moguće posljedice u slučaju otkazivanja, propuštanja, kao i izmjene leta. Pružalac se obavezuje da, u slučaju otkazivanja zakazanog leta uslijed vremenskih nepogoda ili drugih uzroka uslijed djelovanja više sile, a ukoliko aviokompanija nije u mogućnosti da blagovremeno osigura drugi let, preuzme obavezu zbrinjavanja putnika i obezbjeđivanja leta od strane druge aviokompanije, prema sličnim uslovima prevoza i što je prije moguće.

Član 8.

U slučaju da Naručilac pismeno, e-mailom ili na drugi način, otkáže avionsku kartu u roku kraćem od 48 (četrdeset osam) sati prije vremena polijetanja, Naručilac će platiti iznos shodno uslovima izdate karte i pravilima aviokompanije koja je izdala kartu.

U slučaju otkazivanja leta od strane aviokompanije, u roku od 7 (sedam) dana vrši se povrat cjelokupnog iznosa vrijednosti karte po cijeni koja je kupljena, odnosno za dio ili dijelove putovanja koji nisu realizirani.

Član 9.

- (1) Pružalac i Naručilac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo uslijed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u ispunjavanju preuzetih obaveza po ovom ugovoru.
- (2) Pružalac je u obavezi da u što skorijem roku, nakon djelovanja više sile, a ne duže od dva dana, detaljno obavjesti Naručioca usluga pismenim putem o djelovanju više sile. U slučaju da se utvrdi da Pružalac usluga nije u mogućnosti da ispuni obaveze prema ovom ugovoru, Naručilac usluga ima, i može koristiti, pravo na raskid ovog ugovora o čemu će pismenim putem obavjestiti Pružaoca usluga u roku ne dužem od tri dana nakon saznanja o djelovanju više sile

Član 10.

Pružalac usluga nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

Član 11.

Ukoliko Naručilac u ugovornom roku iz člana 5. ovog ugovora ne plati cijenu za izvršene usluge obavezan je Pružaocu isplatiti i zateznu kamatu u skladu sa zakonom i drugim propisima koji uređuju ovaj institut.

Član 12.

Ovaj ugovor se zaključuje na period do ispunjenja njegove svrhe, ali ne duže od 1 (jedne) godine računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavjesti drugu ugovornu stranu sa otkaznim rokom od 30 (trideset) dana.

Član 13.

- (1) Ugovorne strane su saglasne da Pružalac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.
- (2) Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 14.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.



Član 15.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorena strana zadržava po 2 (dva) primjerka.

Član 16.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Pružaoca:



Direktor, mr.sc. Safudin Cengić

Broj ugovora: _____



Za Naručioca:


Direktor Preduzeća, Mr.sc. Nihada Glamoč, dipl.ing.maš.


Izvršni direktor, Mr. Mehmed Mehović, dipl.oec.

Broj ugovora: _____

33/19

15-02-2019